

Konteúdo


1. Progresu gastu subsídiu husi relatóriu comunidade
2. Progresu atividades Faze I, II III & Faze I Siklus 2

1. PROGRESU GASTU SUBSÍDIU HUSI RELATÓRIU KOMUNIDADE.

Esplikasaun konaba progresu gastu ezelesaun orsamentu PNDS ba Faze I, Faze II & Faze III No Faze I Siklus 2, fulan Febreiru 2015 mak hanesan tuir mai ne'e:


Faze I : Progresu ezelesaun nivel comunidade iha **Faze I 149** Sucos ba fulan Febreiru subsídiu operacional gastu ona **\$455,475.10** ou **51.54%** husi total Orsamentu **\$883,750.00** no Subsídiu Infraestrutura gastu ona **\$ 5,183,885.26** ou **78.17%** husi total **\$6,631,250.00**. Faze I Infraestrutura prosesu konstrusaun fisiku realiza ona iha sub-projetu **336**. Orsamentu Subsídiu Operasional restu sei uja fali ba Faze I Siklus 2 ho total **\$ 428,274.90**. Atu hatene percentajen hare iha grafiku tuir mai ne'e :

Grafik 1 : Gastus Subsidiu Operasional & Infraestrutura Faze I & Progresu Fisiku



Faze II : Progresu ezelesaun iha nivel comunidade ba iha **91** sukus iha fulan Febreiru, Subsidiu Operasional gastu ona **\$316,086.18** ou **59.22%** husi total **\$533,750.00** no Subsídiu Infraestrutura gastu ona **\$2,138,832.51** ou **53.12%** husi total Orsamentu **\$4,026,250.00**. Atu hatene percentajen hare iha grafiku tuir mai ne'e :


Tabela 2 : Gastus Subsidiu Operasional & Infraestrutura Faze II



Faze III : Subsidiu Operasional ba Faze III iha sukus 202 husi Governu hamutuk **\$1,171,000.00** no Orsamentu ne'ebe mak restu iha Pilotu sei uja fali ba iha Faze III ho total Orsamentu **\$44,552.28** Subsidiu Operasional ba iha Faze III gastu ona **\$284,777.85** ou **23.43%** husi total Orsamentu **\$ 1,215,552.28**.

Faze I Siklus 2 : Orsamentu ba Faze I Siklus 2 hamutuk \$ **1,313,812.10** no gastu ona **\$258,424.73** ou **19.67%** Orsamentu restu husi Faze I siklus 1 ne'ebe mak atu suporta ba aktividade & progresu Faze I Siklus 2 hamutuk \$ **428,274.90**. Atu hatene percentajen hare iha grafiku tuir mai ne'e :

Tabela 3 : Gastus Operasional rata – rata & gasta subsidiu operacional kada kataegoria Faze I siklus II



2. PROGRESU AKTIVIDADES FAZE I,II,III & FAZE I SIKLUS 2


Iha **Fulan Janeiro 2015**, progresu implementasaun PNDS ne'ebe mak elabora kona ba progresu atividades no Atividades prinsipal husi prosesu implementasaun tuir Siklus PNDS mak hanesan tuir mai ne'e:

FAZE I (149 SUCO): Tama ona ba etapa **11 & 12** *kompleta konstrusaun, operasaun no manutensaun & enkontru akontabilidade Final auditoria evaluasaun*. Esplikasaun klaru kona ba progresu implementasaun atividades Faze I nebe'e maka realiza ona mak hanesan tuir mai ne'e :

- Treinamentu modul **A-L** completa hotu ona iha 149 suku
- Progresu rata-rata iha nivel nasional **95.56 %**
- Informasaun kona ba Prioridades Final ba Faze I hanesan Grafiku tuir mai ne'e :



Konstrusaun kanalijasaun be mos completa ona ba Komunitade iha Aileu Villa



Hare ba grafiku Determina Prioridade Final iha sorin, ita hare katak **Sektor Be'e mo'os no Saneamento** hetan porsentu maka'as liu kompara ho sector sira seluk. Total Prioridades Final ba Faze II hamutuk **220** projecto.


Hamutuk Ita Dezenvolve Nasaun

FAZE II (91 SUCO) : Tama ona ba etapa **4 & 9** formasaun ba ekipa jestaun suku & fasilitador suku no transferensia fundu infraestrutura (primeiru) & komesa konstrusaun. Espikasaun klaru kona ba Progresu implementasaun actividades Faze II nebe'e mak realiza ona mak hanesan tuir mai ne'e :


- Sukus ne'ebe mak implementa ona sub projetu hamutuk **88** sukus. Sub Projetu ne'ebe mak implementa ona hamutuk **202** husi **220** sub projetu.
- Suku 3 maka kompleta ona konstrusaun ; **suku Soilesu (Mun. Bobonaro) suku Fuat (mun. Lautem), suku Lifau (Mun. Manantuto).**
- Progresu rata-rata iha nivel nasional **66.96 %**
- Informasaun kona ba Prioridades Final ba Faze II hanesan Grafiku tuir mai ne'e :



Fasilitador teknik PNDS fasilita hela formasaun ba EIP Ermera



Hare ba grafiku Determina Prioridade Final iha leten, ita hare katak **Sektor Sektor Be'e mo'os no Saneamento** hetan porsentu maka'as liu kompara ho sektor sira seluk. Total Prioridades Final ba Faze II hamutuk 220 projecto.



Grafiku iha leten, representa dadus partisipasaun **generu** iha treinamento ba modul **A- L** iha faze II. Grafiku iha leten hatudu katak persentagem mane bo'ot liu kompara ho **feto**.

FAZE III (202 SUCO): Tama ona ba etapa **6 no 7** survey no dezeniu no preparasaun planu detailhu. Espikasaun klaru kona ba Progresu implementasaun actividades ba Faze III iha fulan febreiru 2015 mak hanesan tuir mai ne'e :


- Detrminasaun prioridade kobre ona **141 sucos**, no **61 sucos** mak sei prosesu treinamentu.
- Iha faze III Konaba **survey no dezeniu** seidauk halao tanba sei prosesu determinasaun prioridade.



Hamutuk Ita Dezenvolve Nasaun



- Informasaun kona ba partisipasaun determina Prioridades suku ba Faze III hanesan Grafiku tuir mai ne'e :



Hare ba grafiku Determina Prioridade Final iha leten, ita hare katak **Sektor Sektor Be'e mo'os no Saneamento** hetan persentu maka'as liu kompara ho sektor sira seluk.




Suku Lohidar determina prioridade

FAZE I SIKLUS 2 : Tama ona ba Etapa 4 &5 formasaun ba ekipa jestaun suku, fasilitador suku no determina prioridade aldeia no suku. Espikasaun klaru kona ba Progresu implementasaun atividades Faze I Siklus 2 nebe'e mak realiza ona iha fulan febreiru 2015 maka hanesan tuir mai ne'e :

- Sosializasaun nivel Sub-Distrito, ba Faze I siklus 2 remata ona iha municipio 3 mak hanesan (**Oecusse, Bobonaro no liquisa**). Forma Ekipa Jestaun suku no Fasilitador suku ba Faze I Siklus 2 realiza ona iha suku
- formasaun kona ba grafiku partisipasaun generu sosializasaun ba Faze I Siklus 2 hanesan tuir mai ne'e :

Partisipasaun Generu Sosializasaun Nivel Aldeia
Faze I Ciclos II



Grafiku iha leten, representa total partisipasaun generu Determina Prioridade nivel Suku ba Faze I siklu II. Se ita hare ba grafiku iha leten katak, persentagem mane a'as liu.

Autoridade Lokal husi distritu Liquisa partisipa iha sosializasaun nivel distrital



Autoridade lokal Municipio Liquisa partisipa iha sosializasaun nivel distrital